

潛齋醫學叢書十四種



四明曹炳章校刊

王氏醫酉案

古越章伯恢題



北京中医药大学图书馆版权所有

子友王君孟英少年失怙其尊人彌留之際執孟英手而囑曰人生天地之間必期有用于世汝識斯言吾無憾矣孟英泣拜而銘諸心版然自顧家貧性介不能為利達之人將何以為世用耶聞先哲有不為良相則為良醫之語因自顏其室曰潛齋而銳志于軒岐之學潛心研究遂抉其微年未冠遊長山即納交于予每見其治病之奇若有天授而視疾之暇恒手一編不輟也繼瞻其齋頭一聯云讀書明理好學虛心可見苦志力學蘊之胷中者淵深莫測乃能窮理盡性出之指下者神妙難言二十年來活人無算豈非以用世之才運其濟世之術而可垂諸後世者哉今就予耳目所及之妙法仿丁長孺刻仲淳案之例錄而付梓名曰回春錄見聞有限遺美極多世之君子必有如莊歛之華岫雲其人者更為之遠搜博采以廣其傳而予糠粃在前有榮施矣

道光二十三年癸卯冬十二月 愚弟周 鐸拜題

才不足以包乎所業之外則其業不精心不足以周乎所業之中則其業亦不精昇之射條之
九張旭之草書蘭子之舞劍其人皆負不可一世之才而俯首降心于一藝之微研窮玩索不
能自己迨其業之既成而天下莫能尚況乎醫之為道參天人之奧操性命之權其理至深其
責至重而世顧以無才無識之人挾不專不精之術貿貿施治絕人長年宜乎古人有學醫人
費之慨也余自束髮受書篤嗜軒岐之學以家貧無力致書所蓄者靈素而外立齋景岳諸種
而已觀其援引之繁富議論之辨博竊以為道在于是而按法施治輒為所困嗣得西昌俞氏
之書伏而誦之始有以識夫病情之蕃變方劑之準繩與夫寒暑陰陽之變化其才大而崇博
識高而法密有非薛張諸公所能髣髴者然而尚論一編猶襲三綱之謬春溫一論混入傷寒
之中白璧微瑕不能不為此老惜也歲在乙巳服官江右廣搜百氏之書如葉天士之高超尤
在涇之切實王晉三之精奧張路玉之明達以及吳又可徐洄溪柯韻伯陳修園諸君子罔弗
各具精心獨抒偉論靈蘭之祕闡發靡遺然而宗古訓者矩矱弗失而不免于穿鑿附會崇妙
悟者化裁生心而或涉于支離背謬夫醫主于愈病而已偏執一途而故持高論縱名理湛深
與病情無與也偶于坊間得武林王君孟英所著霍亂論一帙其理明其指達指陳病機判然
若黑白之不可混淆以為飼鶴山人之流亞私心竊嚮往之己酉冬余室人患痰飲脇痛屢藥
弗痊漸即沉困適孟英來撫之金谿視吳侯畹香之疾亟走伴相邀惴惴然恐不得一當乃孟

英惠然肯來投藥五劑而大效並出初刊醫案回春錄見示因縱談古今之同異百家之得失
湍湍浪浪折衷悉當始知霍亂一論不過孟英一端之緒餘而又竊幸余向之私心傾慕者為
不誣也詢其近案積有數卷乃張柳吟趙菊齋諸君子所輯定而題其篇曰仁術志余取而讀
之喜其崇論閎議足為世法因易其名曰王氏醫案與回春錄合為一編而附霍亂論于後并
謬加評點付諸攻木之工以廣其傳蓋醫者生人之術也醫而無術則不足以生人醫而誤用
其術則不惟不足以生人而其弊反致于殺人夫醫雖至庸未有忍于殺人者也而才不足以
應紛紜之變學不足以窮古今之宜識不足以定真偽之幻則其術不精斯曰殺人而不自知
故為醫而無才無學無識不可也為醫而恃才恃學恃識亦不可也必也平心以察之虛心以
應之庶乎其可也夫古人因病而生法因法而成方理勢自然本非神妙唯用之而當斯神妙
矣今才如孟英學如孟英識力精超如孟英而每臨一證息心靜氣曲證旁參務有以究乎病
情之真而後已宜乎出奇制勝變化無方著之醫案卓卓可傳如是也余讀孟英之書于數年
以前以為迢迢二千里山遙水阻必無相見之期乃吳君病而孟英來孟英來而余室適病宛
轉牽引卒使數年來望風相思之友把袂盤桓傾吐肝鬲極苦岑遇合之奇夙世因緣諒非淺
鮮孟英勉乎哉異日者擷眾籍之精華訂羣言之謬偽刪繁提要勒為一書以保全天下萬世
之民命厥功甚鉅而為力亦甚艱天末故人所企望于良友者詎止斯醫案一編而已耶

例言

一所錄皆二十年來見聞所及詳載字姓歷歷可徵間有逸其姓氏者偶忘之耳

一淺易之證尋常治法所能膠者概不泛錄

一難辨之證誤藥即成危候而初病乃能洞燭遽爾霍然雖若無奇不可不錄後學苟能留意庶免以藥釀病之辜

一病有虛實寒熱治分補瀉溫涼更有補瀉互投之法寒熱並用之

以標本異情謹因錯

雜也此錄諸案具備法無偏倚不媿一代之良工矣

一六氣皆從火化凡外感之邪雖傷寒必以顧陰為主況溫熱暑燥之病更多于傷寒而熱之灼陰尤為勢所必然耶觀案中治感多以涼潤清解為法是參天人一致之理以談醫非泥古耳食之徒所能窺測也

一孟英可傳之案何僅止此惜予未能窮蒐廣討也凡荷其再造之人不妨陸續補刊以推廣仁術而嘉惠來茲匪惟忠厚當然即是心存濟世故不以上下分帙而以卷一卷二為次蓋欲卷數之遞增無已耳

一案中辨證固多發人之未發他如論阿片之燥烈傷津豬肉之柔潤充液之類尤為有功于世是不僅某藥治愈某病之案讀者須加咀嚙勿囫圇咽下也

一孟英雖用藥極平淡而治病多奇中故其辨證處方同道莫不折服茲所錄業已見一斑附采玉芝丸數方藥易功優更徵立法之善至爛喉痧方雖從金匱翼錄出而孟英命其名曰錫類散且聞授其方于莊芝階金應谷兩中翰修合濟人救全不少凡屬外淫喉患無不應手而瘳不特爛喉痧藉以為神丹也敢不附載以廣其傳乎



王氏醫案卷一 原名回春錄

杭州王士雄孟英著

同郡周 鑠光遠輯錄

乾薑辛溫散
用之以回陽
氣若併此不
得則令壯或
人以氣呵之
亦可救倉卒
之變

也。甲申夏予於登廁時忽然體冷汗出氣怯神疲孟英視之曰陽氣欲脫也卒不及得藥適有三年女佩薑一塊約重四五錢急煎而灌之即安後用培補藥率以參耆朮草為主蓋氣分偏虛也。

范慶簪年踰五十素患痰嗽乙酉秋在婺驟然吐血勢頗可危孟英診曰氣虛而血無統攝也雖向來咳嗽陰虧陰藥切不可服然非格陽吐血附桂更為禁劑乃以潞參耆朮草山藥扁豆橘皮木瓜酒炒芍藥為方五帖而安繼去甘草木瓜加熟地黃黑驢皮膠紫石英麥冬五味子龍骨牡蠣熬膏服之全愈亦不復發後范旋里數年以他疾終

丙戌春倉夫鄭德順患急證時已二鼓丐孟英視之見其扞牀拉席口不能言惟以兩手指心抓舌而已孟英曰中毒也取綠豆二升急火煎清湯澄冷灌之果即霍然詰朝詢其故始言久患臂痛因餌草頭藥下咽後即心悶不可耐舌麻不能言而旁人不知也錄此足以證孟英臨證之燭照如神亦可見草藥之不可輕試也

婺人羅元奎丁亥夏卒發寒熱旋即嘔吐不能立自言脘間痛不可當孟英視其痛處焮赤腫硬形如肥皂笑橫梗于毛際之左乃曰此證頗惡然乘初起可一擊去之也用金銀花六兩生

子每以此法治陽證瘡毒莫不應手取效真妙方也

法本喻氏

元參能滋水制火獨用則力厚取效倍捷

甘草一兩。阜角刺五錢。水煎和酒服之一劑減其勢。再刺病若失。逾年患傷寒。孟英切脈虛細已極。曰此不可徒攻其病者。以陰分太虧耳。與景岳法以熟地當歸酒炒白芍炙甘草橘皮柴胡等藥一劑而瘳。熟地當歸酒炒白芍炙甘草橘皮柴胡

予素患噫氣。凡體稍不適。其病即至。既響且多。勢不可遏。戊子冬發之最甚。苦不可言。孟英曰此陽氣式微而濁陰上逆也。先服理中湯一劑。隨以旋覆代赭湯投之。遂愈。嗣後每發如法服之。輒效。後來發亦漸輕。今已不甚發矣。予聞孟英常云。此仲聖妙方。藥極平淡。奈世人異不敢用。殊可哂也。

有患陰虛火炎者。面赤常如飲酒之態。孟英主一味元參湯。其效若神。而屢試皆驗。影人葉殿和庚寅秋患感。旬日後汗出昏瞢。醫皆束手。乃甥余薇垣浼孟英勸之。曰此真陰素虧。過服升散與仲聖誤發少陰汗同例。下竭則上厥。豈得引亡陽為比。而以附桂速其斃耶。以元參地黃知母甘草白芍黃連茯苓小麥龜板鼈甲牡蠣驢皮膠為大劑投之。得愈。

海陽趙子升辛卯夏病瘧。急延孟英診之。曰暑熱為患耳。不可膠守於小柴胡也。與白虎湯一啜而瘳。甲午秋范麗門患溫瘧。孟英用白虎加桂枝以痊之。丙申夏盛少雲病濕熱瘧。孟英以白虎加蒼朮湯而安。己亥夏予舅母患瘧。服柴胡藥二三帖後。汗出昏厥。妄語遺溺。或謂其體質素虛。慮有脫變。勸服獨參湯。幸表弟壽者不敢遽進。乃邀孟英商焉。切其脈洪大滑數。曰陽



香港中醫藥大學圖書館藏

妙論不獨治暑為然凡上證而下之證皆可類推

明暑瘧也與傷寒三陽合病同符處竹葉石膏湯兩劑而瘳庚子夏滇人黃肖農自福清赴都道出武林患暑瘧孟英投白虎湯加西洋參數帖始愈辛丑秋顧味吾室人患瘧瘧孟英亦主是方而效莊芝階中翰張安人年踰花甲瘧熱甚熾孟英審視再四亦與竹葉石膏湯而安時者無不驚異予謂如此數證體分南北實有壯衰苟非識證之明焉能藥與病相當而用皆適宜哉

壬辰八月范蔚然患感旬餘諸醫束手乃弟麗門懇孟英治之見其氣促音微呃忒自汗飲水下咽隨即傾吐無餘曰伏暑在肺必由溫散以致劇也蓋肺氣受病治節不行一身之氣皆受其順降之機即水精四布亦賴清肅之權以主之氣既逆而上奔水亦泛而上溢矣但清其肺則諸恙自安乃閱前服諸方始則紫葛羌防以升提之火藉風威吐逆不已猶謂其胃中有寒也改用桂枝乾薑以溫燥之火上添油肺津欲絕自然氣促音微疑其虛陽將脫也徑與參歸蛤蚧柿蒂丁香以補而納之愈補愈逆邪愈不出欲其愈也難矣亟屏前藥以瀉白散合清燥救肺湯數服而平

一何叟年近八旬冬月傷風有面赤氣逆煩躁不安之象孟英曰此喻氏所謂傷風亦有戴陽證也不可藐視以東洋人參細辛炙甘草熟附片白朮白芍茯苓乾薑五味胡桃肉細茶蔥白一劑而瘳孟英曰此真陽素擾痰飲內動衛陽不固風邪外入有根蒂欲拔之虞誤投表散一

汗亡陽故以真武此二四逆諸法回陽鎮飲攘外安內以為劑也。不可輕試于人。致干操刃之辜。慎之慎之。

癸巳秋余在婺患瘧大為醫人所誤。初則表散。繼則滋補。延及月餘。肌肉盡削。寒熱不休。且苦嘔惡食。溺赤畏冷。乃買棹旋杭。託孟英診視。曰足太陰濕瘧也。以金不換正氣散三服而安。然元氣為誤藥所傷。多方調補。甫得康健。次年秋復患瘧于婺。友人咸舉醫療。予概卻之。憶病情與前無異。即于篋中檢得孟英原方。按序三帖。病亦霍然。聞者無不稱歎。後歸里為孟英述而謝之。孟英曰瘧情如是。恐其按年而作。乃授崇土勝溼丸方。明年夏令預服以堵禦之。迄秋果無恙。後竟不發矣。

鍾耀輝年踰花甲。在都患腫。起自腎囊。氣逆便溼。諸治不效。急買車返杭。託所親謝金堂邀孟英治之。切其脈微而弱。詢其溺清且長。曰都中所服。其五苓八正耶。抑腎氣五皮也。鍾云誠如君言。偏嘗之矣。而病反日劇者何哉。孟英曰此土虛不制水也。通利無功。滋陰亦謬。法宜補土勝溼。與大劑參朮果即向安。越八載以他疾終。

金元章媳於甲午新寡。後患膿窠疥。大抵溼熱之病耳。瘍醫連某疑為遺毒。徑作廣瘡療。漸至上吐下痢。不進飲食。另從內科治。亦無寸效。延至未春。更兼腹痛自汗。汎愆肌削。諸醫皆見而卻走矣。王仲安薦孟英視之。曰此胃氣為苦寒所敗。肝陽為辛熱所煽。前此每服湯劑。即如昏

娠孕之脈最
為難憑有初
娠即現于脈
者有三四月
始現于脈者
有始終不現
于脈者此與
憑脈斷證有
時可遇有時
不足憑同一
至理予嘗以
此質之孟英

胃稍投滋膩泄瀉必增遂謂不治之證未免輕棄乃以四君子加左金椒梅蓮子木瓜餘糧石脂等出入為方百日而愈第信猶未轉也諸親友環議再不通經病必有變孟英力辨此非經阻可通之證惟有培養生化之源使其氣旺血生則流行自裕若不揣其本而齊其末則若緣不能榨油徒傷正氣盡壞前功豈不可惜眾議始息恪守其方服至仲冬天癸至而肌肉充康復如常矣

朱某患嘔吐諸藥不效甚至大小便秘糞從口出臭不可當自問不起矣孟英用代赭旋覆湯加而意易蠅蠅蟲服之而愈

孟英遂于醫學從不侈談脈理足以見其欲然不自足也而脈理之最不易切者莫如妊娠予聞孟英于乙未春診黃履吉室人之脈曰妊也是月天癸猶來人皆不以為然次月仍轉但不多耳復邀孟英診之曰果妊也況不斷者胎之血有餘耳踰月況復行覺更少矣人猶以為妄也四月後經始停娠亦顯婉如期人始服其見老丙申夏滿洲某選粵東鹽場攜眷之任過浙主于李雲臺家請孟英視其如君之恙孟英診曰非病也熊羆入夢矣某頗不信謂經甫停何以遽斷為孕而又必其為男乎反生言過其實之疑既而某延雲臺入幕偕赴粵任次年雲臺于家書中述及居停果得子深歎孟英指妙予荆人久無孕辛丑秋汛事偶愆孟英一診即以妊斷且以男許次夏果舉一子惜不育耳邵魚竹給諫仲媳懷妊孟英于寅春初診即許抱

孟英亦以為
然可見真學
問人必不恃
虛言以眩世
也

孫秋杪果應表弟胡壽者室偶有小愈經事漸少腰腹微脹自以為怒氣所滯也延孟英調之
切其脈曰懷麟矣初猶疑之既而始信卯春果弄璋吳雲階室年四十餘寅秋況斷其腹日脹
賢謂病也治之罔效迨孟英診之孕也彼猶不自信及腹中漸動始服其言至期產一女癸秋
孟英治石誦義室脫痛甫愈適汛逾期即曰娠矣既而果日形著其指下之神妙如此
朱恆山久患胸痞多痰諸藥罔效孟英診曰清陽之氣不司旋運也與參耆苓朮之劑豁然頓
愈因極欽服後數年果以汗脫聞其垂危之際口不能言猶以左手橫三指右手伸一絲加于
上作王字狀以示家人有會其意者急追孟英至而他醫之中風藥早灌入矣遂以長逝癸卯
冬至前一日管大中丞亦是氣從溺脫當以參附挽回者及孟英至而痰藥痧藥風藥灌之偏
矣脈僅若蛛絲過指孟英堅不與方須臾而卒

無棣張柳吟封翁於乙未夏偕令嗣恆齋刺史赴滇南任道出武林其家人鄭九者封翁寵人
之弟也途次抱恙抵抗日招越醫陳六順診治服藥後汗出昏狂精流欲脫封翁大駭躬詣孟
英以希挽救孟英切其脈既數且亂沈取極細乃語封翁曰此證頗危生機僅存一線亦斯人
之陰分素虧不可竟謂附桂之罪也封翁聞言大悅曰長者也不斥前手之非以自伐不以見
證之險而要譽相見恨晚遂訂忘年之交彼此盡吐生平始知封翁最喜談醫岐黃之言無所
不覽惟不肯為人勸病亦慎重之意耳于是孟英以元參知藥桑枝龍牡生地白芍甘草百合

石斛、梔子、鹽水炒淡豆豉，為大劑，灌之下咽即安。次日去梔豉、甘草，加龜板、鱉甲、鹽水炒橘紅，十餘帖而康。

吳馥齋令甥，重質素弱，幼時鳳山診之，許其不秀。癸巳，失其怙恃，情懷悵悵，凡事漸愆，夜食發癆，肌瘦吞酸，勢極可畏。孟英以高麗參、鹽水炒黃連、甘草、小麥、紅棗、百合、茯苓、牡蠣、白芍、旋覆花、新絳等治之，各恙漸已。繼參歸地滋陰，康強竟勝于昔。

一男子患喉痺，專科治之甫愈，而通身腫勢日甚，醫者驚走。孟英診之曰：「病藥也，投附子理中湯數劑而痊。」予謂喉痺治以寒涼，法原不謬，而藥過于病，翻成溫補之證，是病于藥也，非病于病也。嘗聞孟英云：「病于病而死者十之三，病于藥而死者十之七。」以予觀之，誠非激論也。吁可歎已。

朱氏婦產後惡露不行，而宿嘔頻發，專是科者不能下手。孟英以丹參、桃仁、貝母、茯苓、滑石、花粉、桂枝、通草、蛤壳、以仁、紫菀、山查、絲瓜子、芫薸子、旋覆、琥珀出入為方，三日而愈。

局醫黃秀元之與人韓名諒者，有兒婦重身患熱病，局中諸醫皆慮胎隕，率以補血為方。旬日後勢已垂危，浼人求孟英診之，曰：「胎早腐矣，宜急下之，或可冀幸。」若欲保胎，則吾不知也。其家力懇疏方，遂以調胃承氣合犀角、地黃湯，加西洋參、麥冬、知母、石斛、牛膝投之。胎落果已臭爛，而神氣即清，熱亦漸緩。次與西洋參、元參、生地、知母、麥冬、丹參、丹皮、茯苓、山查、石斛、豆卷、芫薸。

琥珀等藥調之粥食日加旬日而愈

一少年驟患遺精數日後形肉大脫連服滋陰瀉精之藥如水投石孟英與桂枝湯加參耆龍

壯服下即効匝月而瘳

家叔南山於秋間患感日治日劇漸至神昏譫妄肢振動惕施秦兩醫皆謂元虛欲脫議投峻

補家慈聞而疑之曰盍與孟英商之孟英診曰無恐也通絡蠲痰可以即愈用石菖蒲羚羊角

絲瓜絡冬瓜子苡仁桑枝旋覆橘絡慈鬚貝母鈎藤胆星為劑化服萬氏牛黃清心丸一顆覆

杯即安調理半月而愈

美政關毛內使年踰花甲而患喘嗽醫與腎氣湯全鹿丸等藥反致小溲瀉痛病日以劇孟英

診之與純陰壯水之治毛曰我輩向吸阿片煙豈敢服此涼藥孟英曰此齊東之野語也誤盡

天下蒼生幸汝一問吾當為世人道破機關不致誤墮火坑者再為積新貯油之舉也夫阿片

本罌粟花之脂液性味溫潤而又產于南夷之熱地煎晒以成土熬煎而為膏吸其煙時還須

火煉燥熱毒烈不亞于砒久吸之令人枯槁豈非燥烈傷陰之明驗哉毛極拜服果得霍然或

問曰阿片之性殆與酒相近乎孟英曰麴蘖之性雖熱然人飲之則質仍化水故陰虛者飲之

則傷陰陽虛者飲之則傷陽景岳論之詳矣若阿片雖具水土之質而性從火變且人吸之則

質化為煙純乎火之氣歟直行清道燥人津液故吸煙之後口必作渴久吸則津枯液竭精血

源窮而宗筋失潤。人因見其陽痿也。不察其所以痿之故。遂指阿片為性冷之物。抑何愚耶。凡吸阿片煙而醉者。以陳醬少許。淪湯服。即醒。若熬煙時少著以鹽。即渙散不凝膏。吸時舌上預舐以鹽。則不成癮。雖癮深者。但令舐鹽而吸。則癮自斷。豈非潤下之精。能制炎上之毒乎。金元章年踰七旬。久患心厥。每病于冬。以為寒也。服熱藥而暫愈。終不能霍然。孟英診曰。脾胃雖寒。肝陽內盛。徒服剛烈。焉能中肯。以參朮枸杞。從容茴香。當歸。羌絲。鹿角霜。桂枝。茯苓。陳寶黃連。吳茱萸。核等藥。為方服之。今數年無恙矣。

丙申春。蜀人石符生。將赴鄧雲崖司馬之招。經杭。抱病僑于張柳吟之舊館。亦為寓側陳云。順治困店。傳主人知之。即告以柳吟僕病之事。石聞之。悚然亟遣人延孟英診焉。脈沉而滯。滯糢糊不分。至數肢涼。畏冷涎沫上涌。二便澹少。神氣不爽。曰。此途次感風濕之邪。失于解散。已從熱化。加以溫補。致氣機愈形窒塞。邪熱漫無出路。必致燂液成痰。逆行而上。但與舒展氣機。則痰行熱降。諸恙自瘳矣。以黃連。黃芩。枳實。橘皮。梔子。淡豉。桔梗。杏仁。貝母。鬱金。通草。紫菀。竹茹。蘆根汁等藥。三服而起。調理匝旬。遂愈。

夏間。王某患感。越醫謝樹金治之。病雖退而能食矣。但不能起坐。類乎癱瘓。延已月餘。人皆謂其成廢。所親鍾某。浼孟英視之。曰。此多服表散。汗出過分。氣血兩傷。肢骸失其營養。脈微而細。舌亮無苔。與大劑參耆歸朮熟地杜仲羌絲牛膝枸杞山藥木瓜煑肉姜糖續斷桑枝數十帖。

而起

一勞力人陰分素虧此症延文即說感風溼雨膝刺痛痠重不能稍立孟英以六味地黃湯加獨活豆卷

劑知二劑已

張養之令正飲食如常而肌膚消瘦詳明信事如期而紫淡不恆兩腓發熱而別處仍紅面色青黃

而隱隱有黑氣儼似虛寒多藥不效始逆孟英診之脈似虛細而沈分略形絛滑曰此陽明有

餘少陰不足土燥水涸仲聖有急下存陰之法然彼外感也有餘之邪可以直瀉此內傷也無

形之熱宜以甘寒義雖同而藥則異也贈以西洋參生地生白芍生石膏知母桑葉冬花粉

棟實丹皮木通天冬諸品服至數斤黑氣退而肌漸充腓熱去而經亦調矣

姚氏婦產後昏譫汗厥肌膚浮腫醫投補虛破血祛瘀安神之藥皆不能治舉家惶怖轉延孟

英診焉詢知惡露仍行曰此證醫家必以為奇病其實易愈也昔金尚陶先生曾治一人與此

相似載于沈堯夫女科輯要中方用石菖蒲胆星旋覆茯苓橘紅半夏麴名蠲飲六神湯凡產

後惡露行而昏譫者多屬痰飲不可誤投攻補此湯最著神效如方服之良愈

牙行王炳華妻患舌瘡痛礙飲食內治外敷皆不效孟英視其舌色紅潤脈形空數曰此血虛

火浮也以產後發熱例施之用熟地當歸酒炒白芍炙甘草茯苓炮薑投之其病如失

一老人霍亂後目閉呃忒醫謂脫陷在即與桂附回陽之藥業已煎矣適孟英至詢知溺赤口

孟英善用甘
寒投之此證
尤宜